

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

RJEŠENJE
po Prijavi koncentracije privrednog subjekta Flint Group Sweden AB

Sarajevo
Juni 2010. godine



Broj: 01-02-26-006-11 -II/10
Sarajevo, 14. 06.2010. godine

Na osnovu člana 25. stav (1) tačka e), člana 42. stav (1) tačka d) u vezi sa čl. 12., 14., 16., 17. i 18. Zakona o konkurenciji («Službeni glasnik BiH», br. 48/05, 76/07 i 80/09), a rješavajući po Prijavi namjere koncentracije privrednog subjekta Flint Group Sweden AB, Box 1003, 231 25 Trelleborg, Švedska, podnesenoj po advokatu Branku Marić, Mehmeda Spahe 26, 71000 Sarajevo, zaprimljenoj dana 26. februara 2010. godine pod brojem: 01-02-26-006-II/10, Konkurencijsko vijeće, na 106. (stošestoj) sjednici održanoj dana 14.06.2010. godine, je donijelo

R J E Š E N J E

- (1) Ocjenjuje se dopuštenom koncentracija koja ima uticaj na tržište prodaje tekućih tinti za štampače u Bosni i Hercegovini, a koja će nastati sticanjem kontrole nad privrednim subjektom Torda Holding AB, Box 33, 221 00 Lund, Švedska od strane privrednog subjekta Flint Group Sweden AB, Box 1003, 231 25 Trelleborg, Švedska kupovinom 100% dionica.
- (2) Ovo Rješenje o koncentraciji se upisuje u Registar koncentracija.
- (3) Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je dana 26.02.2010. godine pod brojem: 01-02-26-006-II/10 zaprimilo Prijavu koncentracije (u daljem tekstu: Prijava) privrednog subjekta Flint Group Sweden AB, Box 1003, 231 25 Trelleborg, Švedska koji namjerava steći kontrolu kupovinom 100% dionica nad privrednim subjektom Torda Holding AB, Box 33, 221 00 Lund, Švedska.

Prijava je podnesena putem advokata Branka Marića, Mehmeda Spahe 26, 71 000 Sarajevo, Bosna i Hercegovina (punomoć izdata u Trelleborg-u, Švedska dana 12. februara 2010. godine) Konkurencijsko vijeće je utvrdilo da nisu dostavljeni svi relevantni podaci, koji su propisani članom 30. Zakona o konkurenciji („Službeni glasnik BiH“, br. 48/05, 76/07 i 80/09) i članovima od 9. do 12. Odluke o načinu podnošenja prijave i kriterijumima za ocjenu koncentracije privrednih subjekata („Službeni glasnik BiH“, broj 34/10), te je zatražilo dopunu iste.

Podnosilac prijave u skladu sa zahtjevom Konkurencijskog vijeća je dopunio Prijavu traženom dokumentacijom (podnesak broj: 01-02-26-006-4-II/10 od 15. marta 2010. godine; broj: 01-02-26-006-5-II/10 od 17. marta.2010. godine i broj: 01-02-26-006-7 -II/10 od 07. aprila 2010. godine).

Po prijemu tražene dokumentacije Konkurencijsko vijeće je utvrdilo Prijavu kompletnom i izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 10.06.2010. godine broj: 01-02-26-006-9 -II/10.

Podnosilac prijave je naveo, u smislu člana 30. stav (2) Zakona da je podnio zahtjev za ocjenu koncentracije nadležnim tijelima za konkurenciju Republike Makedonije i Ukrajine.

Konkurencijsko vijeće u postupku ocjene dopuštenosti predmetne koncentracije je utvrdilo sljedeće činjenice:

Predmetna Prijava je podnesena blagovremeno u vremenskom roku od 15 (petnaest) dana, u smislu člana 16. stav (1) Zakona.

1. Učesnici koncentracije

Učesnici koncentracije su privredni subjekti Flint Group Sweden AB, Box 1003, 231 25 Trelleborg, Švedska i Torda Holding AB, Box 33, 221 00 Lund, Švedska.

1.1. Privredni subjekat Flint Group Sweden

Privredni subjekat Flint Group Sweden AB, Box 1003, 231 25 Trelleborg, Švedska registrovan je u Registracijskoj Kancelariji za švedske kompanije pod registracionim brojem: 556004-4181, osnovan dana 09.09.1901. godine (u daljem tekstu: Flint Group Sweden).

Privredni subjekat Flint Group Sweden je u 100% vlasništvu privrednog subjekta ANI Printing Inks B.V. Švedska filijala koji je u vlasništvu holdinga Flint Group, sa sjedištem u Luksemburgu, Boulevard Royal 26b, L – 2449 Luxembourg.

Osnovna registrovana djelatnost privrednog subjekta Flint Group Sweden je proizvodnja i prodaja grafičke boje i ostalih hemijsko – tehničkih proizvoda.

Privredni subjekat Flint Group nema povezanih privrednih subjekata u Bosni i Hercegovini.

1.2. Privredni subjekat Torda Holding AB Sweden

Privredni subjekat Torda Holding AB P.O: Box 33, 221 00 Lund, Švedska registrovan je u Registracijskoj Kancelariji za švedske kompanije pod registracionim brojem: 556707-6848, osnovan dana 07.11.2006. godine (u daljem tekstu: Torda Holding AB).

Registrovana djelatnost privrednog subjekta Torda Holding AB je posjedovanje i upravljanje nekretninama i pokretnom imovinom kao i obavljanje poslovnih aktivnosti koje su kompatibilne sa navedenim.

Vlasnička struktura privrednog subjekta Torda Holding AB prije provođenja koncentracije prikazana je u Tabeli 1:

Tabela 1

Dioničari	Učešće u %
(..)** ¹	50,00
(..)**	50,00
UKUPNO	100,00

Izvor: Podaci iz Prijave

Privredni subjekat (..)**¹, registrovan je u registru privrednih društava pod brojem: (..)**.

Privredni subjekat (..)** registrovan je u registru privrednih društava pod brojem: (..)**.

1.2.1. Povezana društva privrednog subjekta Torda Holding AB

Privredni subjekat Torda Holding AB posjeduje 100% vlasničkog udjela u privrednom subjektu Torda Ink AB, a Torda Ink AB je vlasnik sa 51% vlasničkog udjela privrednog subjekta Torda – Zvezda preduzeće za proizvodnju štamparskih boja, srodnih proizvoda i usluga d.o.o. Gornji Milanovac, Republika Srbija.

Privredni subjekat Torda Holding AB na relevantnom tržištu je prisutan posredstvom privrednog subjekta Torda – Zvezda d.o.o. Gornji Milanovac.

Privredni subjekat Torda – Zvezda d.o.o. Gornji Milanovac, Radovana Grkovića 24 je osnovan dana 19.12.2002. godine i registrovan u sudskom registru Trgovinskog suda u Čačku pod matičnim brojem 17472267 (u daljem tekstu Torda – Zvezda).

Pretežna registrovana djelatnost privrednog subjekta Torda – Zvezda je proizvodnja boja, lakova i sličnih premaza, grafičkih boja i kitova.

Podnosilac prijave navodi da je privredni subjekat Torda Zvezda na tržištu Bosne i Hercegovine prisutan prodajom tekućih tinti za štampače.

Vlasnička struktura privrednog subjekta Torda – Zvezda prikazana je u Tabeli 2:

Tabela 2

Vlasnici udjela	Učešće u %
Industrija boja i lakova Zvezda – Helios a.d. Gornji Milanovac	49,00
Torda Ink Ab, Lund, Švedska	51,00
UKUPNO	100,00

¹ (..)** podaci predstavljaju poslovnu tajnu

Ukupni prihod privrednog subjekta Torda – Zvezda ostvaren na teritoriji Bosne i Hercegovine u 2009. godini iznosio je (..)”.**.

2. Obaveza prijave koncentracije

Obaveza prijave koncentracije privrednih subjekata sa sjedištem i prebivalištem u insotranstvu u skladu sa članom 2. Odluke o načinu podnošenja prijave i kreterijumima za ocjenu koncentracije privrednih subjekata („Službeni glasnik BiH“, broj 34/10) postoji, ukoliko su ispunjeni uslovi iz člana 14. stav (1) tačka a) i b) Zakona.

Namjeravanu koncentraciju privredni subjekti su obavezni prijaviti u smislu odredbi člana 14. stav (1) pod a) i b) Zakona, ako ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu koja je prethodila koncentraciji i ako je njihovo zajedničko učešće na relevantnom tržištu veće od 40%.

Ukupni godišnji prihodi privrednih subjekata učesnika predmetne koncentracije na dan 31.12.2009. godine prikazan je u Tabeli 3:

Tabela 3

KM	Flint Group	Flint Group Sweden	Torda Group	Torda Holding AB
Svijet	(..)”.**	(..)”.**	(..)”.**	(..)”.**
Bosna i Hercegovina	(..)”.**	/	(..)”.**	(..)”.**

Izvor: Podaci iz Prijave

Učesnici koncentracije u Prijavi navode da je njihov ukupni zajednički tržišni udio na relevantnom tržištu u Bosni i Hercegovini veći 40%.

Budući da su ispunili uslove, u smislu člana 14. stav (1) Zakona, privredni subjekti su bili obavezni podnijeti Prijavu.

3. Pravni okvir ocjene predmetne koncentracije

Konkurencijsko vijeće je u provedbi postupka ocjene dopuštenosti predmetne koncentracije primijenilo odredbe Zakona, Odluke o utvrđivanju relevantnog tržišta («Službeni glasnik BiH», broj 18/06), te Odluke o načinu podnošenja prijave i kriterijumima za ocjenu koncentracija privrednih subjekata.

4. Pravni osnov i oblik predmetne koncentracije

Pravni osnov predmetne koncentracije, propisan je članom 16. stav (1) Zakona i članom 9. tačka f) alineja 6. Odluke o načinu podnošenja prijave i kriterijumima za ocjenu koncentracija privrednih subjekata.

Pravni osnov koncentracije je Ugovor o prenosu udjela u Torda Holding AB zaključen dana 26.02.2010. godine između ovlaštenih predstavnika prodavaca (..)”.** s jedne strane i ovlaštenih

predstavnik kupca Flint Group Sweden AB, P.O. Box 1003, SE – 231 25, Trelleborg, Švedska, s druge strane.

U skladu sa navedenim Ugovorom privredni subjekat Flint Group Sweden će steći kontrolu kupovinom 100% dionica nad privrednim subjektom Torda Holding AB, Box 33, 221 00 Lund, Švedska.

Na osnovu naprijed navedenog pravni oblik predmetne koncentracije, predstavlja sticanje kontrole od strane privrednog subjekta Flint Group Sweden nad privrednim subjektom Torda Holding AB, kupovinom 100 % dionica u smislu člana 12 stav (1) tačka b) pod 1) Zakona o konkurenciji.

5. Relevantno tržište predmetne koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu obuhvaća sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu naročito njihove bitne karakteristike, kvalitet, uobičajnu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvaća cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuju od uslova tržišne konkurencije na susjednim geografskim tržištima.

Relevantno tržište usluga /proizvoda predmetne koncentracije je tržište prodaje tekućih tinti za štampače.

Relevantno tržište u geografskom smislu predmetne koncentracije je tržište Bosne i Hercegovine.

Prema navedenom, relevantno tržište predmetne koncentraciji je tržište prodaje tekućih tinti za štampače u Bosni i Hercegovini.

6. Ocjena predmetne koncentracije

Konkurencijsko vijeće je, nakon procjene i analize podataka i utvrđenih činjenica u smislu člana 17. Zakona, u postupku donošenja Rješenja, ocijenilo da provođenje koncentracije na relevantnom tržištu neće imati direktnog uticaja na tržište prodaje tekućih tinti za štampače, niti će doći do promjene tržišnih učešća na relevantnom tržištu.

Prilikom ocjene predmetne koncentracije, Konkurencijsko vijeće je imalo u vidu i činjenicu da se u konkretnom slučaju radi o eksteritorijalnoj koncentraciji (učesnici koncentracije privredni subjekti Flint Group Sweden AB Švedska i Torda Holding AB Švedska nisu prisutni na tržištu Bosne i Hercegovine), te da predmetna koncentracija ima uticaj na tržištu Bosne i Hercegovine

preko djelovanja povezanog privrednog subjekta u vlasništvu privrednog subjekta Torda Holding AB Švedska.

Iz gore navedenih razloga, Konkurencijsko vijeće smatra da se predmetnom koncentracijom privrednih subjekata ne stvara i ne jača dominantan položaj na relevantnom tržištu, te je odlučilo kao u dispozitivu ovog Rješenja.

Uzimajući u obzir sve iznesene činjenice i podatke koji su prethodili donošenju Rješenja, Konkurencijsko vijeće je ocijenilo koncentraciju dopuštenom, u skladu sa članom 18. stav (2) tačka a) Zakona, kao u dispozitivu.

7. Administrativna taksa

Podnosilac Prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», broj 30/06) je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

8. Pouka o pravnom lijeku

Protiv ovoga Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Rješenja.

Predsjednik

dr. Stjepo Pranjić